



---

Na osnovu člana 107. Statuta općine Ilijaš («Službene novine Kantona Sarajevo», broj: 20/09 – prečišćeni tekst i 46/18), Općinski načelnik d o n o s i:

## **PRAVILNIK**

### za izbor sportiste godine općine Ilijaš

#### **I OPĆE ODREDBE**

##### **Član 1.** (Predmet Pravilnika)

Pravilnikom za izbor sportiste godine općine Ilijaš (u daljem tekstu:Pravilnik), određuju se uslovi za izbor sportiste godine, način predlaganja kandidata, način izbora, kriteriji za ocjenjivanje, sastav i rad ocjenjivačkog žirija i druga pitanja koja su od značaja za izbor.

Izbor sportiste godine je sportska manifestacija na kojoj se javno saopštavaju rezultati koji su tokom godine postignuti u okviru domaćih, međunarodnih, evropskih i svjetskih takmičenja i ima za cilj da afirmiše najviše vrijednosti sporta, fair playa, sportski duh i kolektivizam i da istovremeno potiče razvoj sporta i svih njegovih vrijednosti do najvišeg nivoa, a posebno u odgoju mlade populacije u korisne članove naše zajednice.

##### **Član 2.** (Ravnopravnost polova)

Terminološko korištenje muškog ili ženskog roda u ovom Pravilniku podrazumijeva uključivanje oba roda.

##### **Član 3.** (Javni poziv)

Izbor sportiste godine je javan i vrši se na osnovu prijedloga organizacija, klubova i udruženja iz oblasti sporta koje su registrovane u skladu sa važećim propisima i imaju sjedište na području općine Ilijaš.

Prijedlozi se dostavljaju po Javnom pozivu koji objavljuje Općinski načelnik putem nadležne Službe za društvene djelatnosti i poslove mjesnih zajednica općine Ilijaš, do 30. januara svake godine putem lokalnog Radija, oglasne ploče, web stranice ili poziva za dostavljanje prijedloga.

Ukoliko organizacija, klub ili udruženje iz oblasti sporta iz bilo kojih razloga ne predloži kandidata, koji na osnovu zvaničnih rezultata na takmičenjima može konkurisati za najuspješnijeg sportistu u bilo kojoj konkurenciji, onda takav prijedlog može podnijeti Općinski načelnik putem nadležne Službe za društvene djelatnosti i poslove mjesnih zajednica.

Javni poziv ostaje otvoren 15 dana od dana objavljivanja.

## II USLOVI ZA IZBOR SPORTISTE I SPORTSKE EKIPE

### Član 4. (Kandidati za izbor)

Za izbor sportiste godine općine Ilijaš (u daljem tekstu sportista godine) može se kandidovati sportista koji je učestvovao na takmičenjima koja su organizovana u okviru općinskog takmičenja, kantonalnog prvenstva, državnog prvenstva ili državnog kupa, evropskim ili svjetskim takmičenjima, te olimpijskim igrama čiji je rezultat vrjednovan:

1. osvojenim mjestom-plasmanom na zvaničnim takmičenjima,
2. postavljenim državnim, evropskim ili svjetskim rekordom,
3. plasmanom u završna takmičenja evropskog ili svjetskog nivoa,
4. postizanjem olimpijske norme,
5. plasmanom među 20 na svjetskoj i europskoj listi u pojedinačnoj konkurenciji i
6. drugim ostvarenjem značajnim za razvoj, popularnost i unaprjeđenje sporta.

Za izbor sportiste mogu se kandidovati i sportisti koji nisu osvojili visoki plasman ili lični rezultat ali su svojim doprinosom u takmičenju omogućili učešće ekipa ili državne selekcije za koju nastupaju na evropskim ili svjetskim takmičenjima, odnosno koji su u sportskim takmičenjima dostojno predstavljali matični klub ili državnu selekciju ili učinili djelo kojim se podiže i učvršćuje međunarodni ugled države, kantona, općine kao i to da su svojim nastupima doprinijeli popularizaciji sportske grane u kojoj se takmiče.

### Član 5.

(Sportisti koji se ne mogu kandidovati)

Za sportistu godine ne može se kandidovati sportista koji nastupa u profesionalnim federacijama ( boks, NHL, NBA i dr.).

### Član 6.

(Jednakost u bodovanju rezultata)

Rezultati ostvareni u konkurenciji pojedinaca i ekipa, kao i seniora, juniora, kadeta i invalida vrjednuju se na isti način i to po članu 9. Pravilnika.

### Član 7.

(Kategorije za dodjelu priznanja)

Priznanja sportiste godine dodjeljuju se u sljedećim kategorijama:

- sportista općine Ilijaš,
- sportašica općine Ilijaš,
- sportista- invalid općine Ilijaš,
- najuspješniji junior općine Ilijaš,
- najuspješnija juniorka općine Ilijaš,
- najuspješniji kadet općine Ilijaš,
- najuspješnija kadetkinja općine Ilijaš,
- muški sportski kolektiv općine Ilijaš,
- muški mladi sportski kolektiv općine Ilijaš,
- ženski sportski kolektiv općine Ilijaš,
- ženski mladi sportski kolektiv općine Ilijaš,
- sportski radnik općine Ilijaš,

- sportski trener i
- specijalna priznanja pojedincima i kolektivima koji su pomogli razvoju sporta na području općine Ilijaš.

U najuži izbor ulaze po 3 kandidata u svim kategorijama za koje se daje priznanje.

Za jednu godinu mogu se proglasiti najuspješnijima samo jedna sportašica i jedan sportista odnosno jedna ženska i jedna muška ekipa u svakoj kategoriji.

### Član 8.

#### (Rang takmičenja za ocjenu plasmana)

Za ocjenu plasmana za izbor sportiste godine utvrđuje se sljedeći rang takmičenja:

1. olimpijske igre,
2. svjetsko prvenstvo,
3. svjetski kup-serije uz učešće najmanje 35 država,
4. evropsko prvenstvo
5. evropski kup šampiona
6. mediteranske igre, univerzijada
7. balkanijada
8. međunarodna takmičenja (minimalno učešće 10 država)
9. prvenstvo BiH i FBiH, pojedinačno ili ekipno
10. kup takmičenja BiH i FBiH
11. međukantonalna prvenstva
12. kantonalna prvenstva
13. općinska takmičenja

### III KRITERIJI ZA VRJEDNOVANJE REZULTATA

#### Član 9.

#### (Bodovni kriteriji)

Za ocjenu plasmana u izboru sportiste godine, primjenjuje se sljedeća bodovna tabela, a na osnovu utvrđenog ranga takmičenja iz prethodnog člana.

plasman/ mjesto	1	2	3	4	5	6	7	8	9	10	11	12	13
I	600	550	500	450	450	400	375	350	275	250	200	150	100
II	575	525	480	430	410	375	350	325	250	225	175	140	80
III	550	500	450	400	380	350	325	300	225	200	150	100	50
IV	525	480	430	375	350	330	305	275					
V	500	460	410	350	330	310	290						
VI	480	440	390	330	310	290							
VII	460	420	370	310	290								
VIII	440	400	350	290									
IX	420	380	330										
X	400	360	310										
XI	380	340	290										
XII	360	320	270										
XIII	340	300											
XIV	320	280											
XV	300	260											
XVI	280												

## **Član 10.**

**(Dostavljanje, obrazlaganje i dokumentovanje prijedloga)**

Na osnovu kriterija iz člana 8. i 9. Pravilnika, kandidate za dodjelu priznanja iz člana 7. Pravilnika, predlažu sportske organizacije, udruženja, klubovi, koji mogu predložiti samo po jednog kandidata za svaku kategoriju izbora.

U prijedlogu za kandidata predlagači obrazlažu prijedlog sa svim rezultatima koji je sportista i ekipa postigla u godini za koju se vrši izbor sa ovjerenim listama rezultata (službeni zapisnik takmičenja, originalna diploma, potvrda od Državnog strukovnog saveza, zvanični bilteni i dr.).

## **Član 11.**

**(Kriteriji za izbor najuspješnijeg trenera)**

Žiri proglašava najuspješnijeg trenera na osnovu plasmana i rezultata sportaša ili ekipa koju je trenirao kontinuirano najmanje godinu dana. Treneru pripadaju bodovi njegovog najuspješnijeg sportiste/ekipe.

## **Član 12.**

**(Kriteriji za izbor najuspješnijeg sportskog radnika)**

Najuspješnijim sportskim radnikom proglašava se osoba koja je tokom kalendarske godine svojim izuzetnim stručnim angažmanom učestvovala u ostvarenju visokih sportskih rezultata, ali i doprinijela poboljšanju uslova rada, te razvoju sporta općenito.

## **Član 13.**

**(Broj nastupa, masovnost i kontinuitet rezultata)**

Ocjenjivački žiri vrjednuje rezultate, vodeći računa o broju nastupa, masovnosti i kontinuitetu rezultata u godini izbora.

## **IV OCJENJIVAČKI ŽIRI**

### **Član 14.**

**(Ocjenjivački žiri)**

Tehničku obradu podataka i proglašenje sportiste godine, vrši ocjenjivački žiri koji se imenuje od predstavnika nadležne službe, sportista, sportskih radnika, trenera, novinara i drugih.

Po pravilu ocjenjivački žiri čine: predsjednik, zamjenik predsjednika, sekretar i četiri člana žirija. Rad članova ocjenjivačkog žirija je javan.

### **Član 15.**

**(Izveštaj i Odluka o izboru)**

Izveštaj – zapisnik o svom radu ocjenjivački žiri dostavlja Općinskom načelniku na verifikaciju, prije zvaničnog proglašenja sportiste godine.

Odluka o sportisti godine saopštava se javno na svečanosti koja se tim povodom organizuje.

## Član 16.

### (Specijalno priznanje)

Povodom izbora sportiste godine, Općinski načelnik može dodijeliti i specijalna priznanja i zahvalnice pojedincima, ekipama i pravnim subjektima radi ostvarenih zajedničkih sportskih rezultata i afirmacije sporta u cjelini, a na prijedlog ocjenjivačkog žirija. U toku jednog izbora može se dodijeliti maksimalno 5 (pet) specijalnih priznanja.

## V. ZAVRŠNE ODREDBE

## Član 17.

### (Prestanak važenja prethodnog Pravilnika)

Danom stupanja na snagu Pravilnika prestaje da važi Pravilnik za izbor sportiste broj:07-40-91/09 od 23.01.2009.godine.

## Član 18.

### (Stupanje na snagu)

Pravilnik stupa na snagu danom donošenja i dostavit će se svim predlagачima kandidata za izbor sportiste godine i članovima ocjenjivačkog žirija.

Broj: 07-36- 73 /23  
Ilijaš, 11.01.2023. godine



OPĆINSKI NAČELNIK

Akif Fazlić, dipl.ecc

\*\*\*\*\*

Ul. 126. Ilijaške brigade br. 6, 71380 Ilijaš  
Tel. ++387 33 580-620, 580-690, fax. 400-505,  
Transakcijski račun kod RAIFFEISEN BANK BIH,d.d. Sarajevo: 1610000091470429  
e-mail [drustvenedjelatnosti@ilijas.ba](mailto:drustvenedjelatnosti@ilijas.ba)



Broj certifikata:HR 008740